



# ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

12 ՀՈՒՆԻՍԻ, 2018 թ.  
№ 10 (1027)

Թերթի առաջին համարը լույս է տեսել 1965 թ. մարտի 11-ին  
երկշաբաթաբերթ • հրատարակման 53-րդ տարի

ԽԱՉԱՏՈՐ ԱՐՈՎՅԱՆԻ ԸՆՎԱՆ ՀԱՅԿԱԿԱՆ ՊԵՏԱԿԱՎԱՐԺԱԿԱՆ ՀԱՄԱԼՍԱՐԱՆԻ ՊԵՏԱԿԱՎԱՐԺԱԿԱՆ ՀԱՄԱԼՍԱՐԱՆ

## «Դուք մեր կրթության դեսպաններն եք»

Մանկավարժական համալսարանում ավարտական վկայականների հանձնման արարողությունը, ինչպես միշտ, տոնական էր:

Մեկ օրում մանկավարժական համալսարանի առկա և հեռակա համակարգում բակալավրի և մագիստրոսի դիպլոմ ստացավ 2541 շրջանավարտ (1906-ը՝ բակալավրի, 635-ը՝ մագիստրոսի): Ուսման տարիներին լավագույնս դրսևորված 20 շրջանավարտի դիպլոմներ հանձնեց 33 կրթության և գիտության նախարար Արայիկ Չարությունյանը:

Դիմելով ուսանողներին՝ նախարարը նկատեց, որ այսօրն առավել կարևոր է, քանզի նրանք իրենց կյանքի կարևոր մի էջ են փակում, բայց նաև էլ ավելի կարևոր մի էջ բացում են:

«Դուք մեր կրթության դեսպաններն եմք ու հավատացեք, որ ձեր գործունեությունից շատ ավելի մեծ բան է կախված, քան կարող եք պատկերացնել: Ձեր գործը»



## ՄԵԿՆԱՐԿԵՑ ՍՓՅՈՒՌՔԱՀԱՅ ՈՒՍՈՒՑԻՉՆԵՐԻ ՎԵՐԱՊԱՏՐԱՏՄԱՆ ԾՐԱԳԻՐԸ



Մանկավարժական համալսարանում հուլիսի 7-ին տեղի ունեցավ սփյուռքահայ ուսուցիչների վերապատրաստման դասընթացների բացման հանդիսավոր արարողությունը:

16 երկրից Չայաստան եկած ուսուցիչների վերապատրաստման դասընթացները կազմակերպում է 33 ԿԳ նախարարությունը, իրականացնում Մանկավարժական համալսարանը:

Մանկավարժական համալսարանի ղեկավարը բացման խոսքում ասաց, որ

քաղաքական նոր իրողությունը խանգարում է առաջացրել ոչ միայն հայրենիքում, այլև Սփյուռքում: Ռեկտորը վստահեցրեց, որ ամեն ինչ կկազմակերպվի պատշաճ մակարդակով, որ սփյուռքահայ ուսուցիչները, վերադառնալով իրենց երկրներ, նոր ոգով ու գիտելիքներով շարունակեն իրենց հայապահպան առաքելությունը:

«Այսօր մեկտեղվել եք մայր հայրենիքում՝ ամբարելու գիտելիքներ, մեր վաղվա օրը ավելի հայեցի պահելու համար աշխարհի տարբեր երկրներում», - ասաց Տեր Նաթան արքեպիսկոպոս Յովհաննիսյանը:

Դիմելով ուսուցիչներին՝ նա ասաց, որ սփյուռքում մատաղ սերնդին դաստիարակելու համար միասին պետք է փնտրել և գտնել ուղիներ, վերապատրաստվելով ու հայրենիքում ստանալով հոգևոր, ֆիզիկական, մտավոր զորություն՝ յուրաքանչյուր ուսուցիչ պիտի վերադառնա իր երկիր՝ շարունակելու հայապահպան գործունեությունը:

33 ԿԳ փոխնախարար Յովհաննես Յովհաննիսյանը ողջունեց սփյուռքը»



# «Դուք մեր կրթության...»

➤ 1 ծունեությունից է կախված, թե ինչպիսի կլինեն մեր աշակերտն ու վաղվա ապագան. շրջանավարտը դուրս կգա դպրոցից ազատ, անկախ, թե կաղապարված, քննադատող ու վերլուծող, թե անգիր անող»,- ասաց Արայիկ Չարությունյանը:

Նախարարը նկատեց, որ ուսուցչի վարկանիշը բարձրացնելը ազգային անվտանգության խնդիր է. «Ընդհանուր կրթության մակարդակի անկումն ազգային անվտանգության խնդիր է, և այդ խնդիր լուծելու ճանապարհին Մանկավարժական համալսարանը մեծ դերակատարություն ունի»,- ամփոփեց Արայիկ Չարությունյանը:

Օրհնանքի խոսք հղեց գերաշնորհ տեր Նաթան Արքեպիսկոպոս Չովհաննիսյանը: «Մարդն իր կյանքում ան-

պայման ունենում է ուսուցիչ, բոլորիս հիշողության մեջ, հոգում և սրտում մեր ուսուցիչները մնում են որպես վառ կերպարներ: Մանկավարժներն ամբողջ կյանքում պատասխանատու են իրենց դաստիարակած աշակերտների համար: Ուսուցչի կոչումը միայն գիտելիք հաղորդելը չէ, ուսուցչի կոչումը հոգեբանորեն մարդ արարելն ու ստեղծելն է, անձ կերտելը»,- ասաց Նաթան Չովհաննիսյանը:

Արքեպիսկոպոսը ուսանողներին մաղթեց, որ ապագա աշակերտներն իրենց կյանքի բոլոր օրերում նրանց հիշեն լույսի և ժպիտի մեջ, որպես իրենց ամենահարազատին, կյանքին և հոգուն լույս ու ջերմություն տվողին: «Այն ճանապարհը, որը պետք է լինի շատ դժվարին, բայց կարող է տալ այնպիսի առատ բերք ու բույր, որ

մեր ազգը կարողանա այդ սերունդներով շարունակել մնալ հայ քրիստոնյա, և աշխարհում, իբրև կերտող ժողովուրդ, շարունակել ունենալ պատիվ և հարգանք»,- նշեց Նաթան Չովհաննիսյանը:

Բանասիրական ֆակուլտետի շրջանավարտ Աննա Սարգսյանը բոլոր ուսանողների անունից շնորհակալություն հայտնեց բուհին՝ ուսումնառության ողջ ընթացքում իրենց կողքին լինելու և գիտելիքներով, կարողություններով ու հմտություններով զինելու համար: «Մանկավարժական համալսարանում է, որ ստացանք կայուն գիտելիքներ, փորձ և հմտություն, որոնք ծառայեցնելու ենք ի նպաստ մեր հայրենիքի զարգացման ու բարգավաճման, ուստի ուրախ ու հպարտ ենք, որ այս բուհի ուսանողն ենք ե-

ղել, խոստանում ենք բարձր պահել բուհի վարկը և երբեք չմոռանալ, որ մեր երազանքի հիմնաքարերն այստեղ են դրվել»,- ասաց Աննա Սարգսյանը:

2017-2018 ուսումնական տարվա ավարտական վկայականների հանձնման արարողությունն ավելի տոնական դարձնելու համար համերգային գեղեցիկ ծրագրով հանդես եկան Չայաստանի ազգային նվագախմբի պետական նվագախումբը, Մանկավարժական համալսարանի երաժշտության մանկավարժության ամբիոնի ջութակահարների և պարավեստի մանկավարժության ամբիոնի անսամբլները:

**Սոնա ԱՐԱՄՅԱՆ**



# ՄԵԿՆԱՐԿԵՑ ՍՓՅՈՒՌՔԱԿԱՆ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏԱՆ ԾՐԱԳԻՐԸ



➤ 1 քահայ ուսուցիչներին և բարձրաձայնեց, որ վերջին տարիներին խաթարվել էր հայ ուսուցչի կերպարը: Նա վստահեցրեց, որ ուսուցչի կերպարը պետք է վերագարթոնք ապրի և դառնա այն պատվարը, որի վրա հենվելու է կրթական համակարգը:

Փոխնախարարը նոր Հայաստանում վերապատրաստման դասընթացներին մասնակցելու եկած ուսուցիչներին ասաց, որ նրանք մեծ բեռ ունեն իրենց ուսերին՝ ծուլման վտանգի դեմ հայապահպանության ամենօրյա պայքարով: Նա կարևորեց սփյուռքահայ ուսուցիչների դերակատարությունը հայ գաղթօջախներում, վստահեցրեց, որ Հայաստանը մշտապես սատարելու է նրանց, փաստելով, որ Սփյուռքն էլ առանց հայրենիքի չի կարող գոյություն ունենալ:

Ակադեմիկոս Աշոտ Մելքոնյանը ող-

ջունեց ուսուցիչներին, որոնք ստանում են ոչ բարձր աշխատավարձ, բայց կատարում են հասարակության մեջ տեղ ու դեր, առաքելություն ունեցող ու սերունդների մեջ ապագայի տեսլական սերմանող աշխատանք:

Նա կարևորեց համահայկական դասագրքերի ստեղծման գործը, ապա հավելեց. «Բարեբախտություն է, որ հայ ուսուցիչն իր տեղում է և կարողանում է սփյուռքում հայ մանուկին հայ պահել»:

ՀՀ ՊԱԸ թղթակից անդամ, բանասիրական գիտությունների դոկտոր, պրոֆեսոր Աելիտա Դոլուխանյանը երջանիկ է, որ սփյուռքահայ ուսուցիչներին հայ հին գրականություն է դասավանդելու: Նա վստահեցնում է, որ վերապատրաստման համար ընտրված են հիանալի մասնագետներ, որ ուսուցիչներն այստեղ շատ նորություններ կի-

մանան, իսկ բուհի մասին պատմող ֆիլմը դիտելիս նկատեցին Մանկավարժական համալսարանի առաջընթացը:

Բանասիրական գիտությունների դոկտոր, պրոֆեսոր, «Սփյուռք» գիտաուսումնական կենտրոնի տնօրեն Սուրեն Դանիելյանի կարծիքով խնդիրը ոչ թե հայապահպանության գործոնն է, այլ գործի գիտակցության կարևորությունը: «Այն ճգնաժամը, որի միջով անցնում է ուսուցիչը, իսկապես վերափոխվելու կարիք ունի, և մեզ համար ամենակարևորը Սփյուռքում հայ ուսուցչի տեսակի վերակազմակերպումն է»:

Պրոֆեսորը սփյուռքահայ ուսուցիչներին Մանկավարժականում որպես մագիստրոսներ տեսնելու իր ցանկությունը հայտնեց և հաստատեց նրանց համար այդ ուսումնական գործընթացի կազմակերպման կարևորությունը:

«Այն աշխատանքը, որ իրականացնում է սփյուռքահայ ուսուցիչը, ծանր խաչ է, իսկ հայկական փակվող դպրոցների, լեզվի խնդիրների թնջուկը լուծելու առաջին քայլերը հայրենիքում միասին պետք է դնենք և դնենք սիրով ու ջերմությամբ», - ամփոփեց Ս. Դանիելյանը:

Սիլվա ԱՍՐՅԱՆ



## ՍՓՅՈՒՌՔԱԿԱՆ ՈՒՍՈՒՑԻՉՆԵՐԸ ՀԱՆԴԻՊԵՑԻՆ ՌԵԿՏՈՐԻՆ

15 երկրից 62 ուսուցիչ Հայաստանում է վերապատրաստման դասընթացներին մասնակցելու համար: Հուլիսի 7-ին ՀՀ ՊԱԸ «Սփյուռք» գիտաուսումնական կենտրոնի տնօրեն Սուրեն Դանիելյանի ուղեկցությամբ նրանք հանդիպեցին համալսարանի ռեկտոր, պատմական գիտությունների դոկտոր, պրոֆեսոր Ռուբեն Միրզախանյանին՝ կիսելու իրենց մտահոգությունները Սփյուռքի հայ գաղթօջախներում հայկական կրթական հաստատությունների խնդիրների շուրջ:

Ռեկտորը ուսուցիչներին ներկայացրեց 96-ամյա բուհի պատմությունն ու կրթական զարգացումների դինամիկան, խոսեց համալսարանի մասնագիտությունների ու միջազգային կապերի, ինչպես նաև ուսանողների փոխանակման տարբեր ծրագրերի մասին:

Սփյուռքը բազմաշերտ է, հետևաբար ուսուցիչների մտահոգություններն էլ տարբեր են. տարբեր են թուրքիայում, Ռուսաստանի Դաշնությունում, Եվրոպայում, Ամերիկայում, Մերձավոր Արևելքում և աշխարհի այլ վայրերում գործող հայ-



կական կրթական հաստատությունների խնդիրները: Ռեկտորին հարցեր ուղղեցին Հայկանուշ Գասպարյանը (Սիրիա), Սիմոն Պետիկյանը (Ամերիկա), Ռուզաննա Մարտիրոսյանը (Ուկրաինա), Ամալյա Թադևոսյանը (Ռուսաստանի Դաշնու-

թում), Ջարուհի Սիմոնյանը (Բելառուս) և ուրիշներ:

Բուլորի մտահոգությունները գրեթե մեկ ընդհանրություն ունենին՝ միասնական դասագրքերի ստեղծման անհրաժեշտություն, երիտասարդ ուսուցիչների

պարբերաբար վերապատրաստում, մանկավարժական կադրերի պատրաստում հայրենիքում, հայերեն չխոսող հայ երեխաներին որպես օտարալեզու խոսողների՝ ուսուցանելու մեթոդների բացակայություն և աջակցության ակնկալում...

Սփյուռքահայ ուսուցիչների մի մասը Մանկավարժական համալսարանի շրջանավարտներ են: Նրանք ուրախ են հարգատ քուհուն հյուրընկալվելու համար:

Ուսուցիչները նաև ոգևորված են Հայաստանում կատարված փոփոխություններով, առավել բարգավաճ ու վերսլաց Հայաստանի նոր պատկերով:

Հայկանուշ Գասպարյանն անկեղծանում է՝ վերջին 25 տարում չի եղել նման բարձր որակի ու մակարդակի վերապատրաստումներ, ինչի կարիքը հատկապես զգում են պատերազմի պատճառով քայքայման եզրին հայտնված Հայկափի և Բեյրութի հայ համայնքների կրթական հաստատությունների ուսուցիչները:

➤ 4

# ...ՀԱՆԴԻՊԵՑԻՆ ՌԵԿՏՈՐԻՆ

➤ 3 Ռեկտորը հիմնականում ծանոթ է Սփյուռքի հայ համայնքներում գործող դպրոցների վիճակին: Նրա կարծիքով պետք է հնարավորինս պահպանել այդ դպրոցները, որովհետև նրանք հայապահպանության խնդիր են լուծում: Ուսուցիչների վերապատրաստման հարցերը բուհի ղեկավարության ուշադրության կենտրոնում են, սակայն դասագրքերի հարցով զբաղվում է ԿԳ մախարարությունը: Եթե դասագրքերի ստեղծման գործը հանձնարարվի բուհին, մեր լավագույն մասնագետները կարող են պատշաճ մակարդակով կազմակերպել:

Սիացյալ Նահանգներում կրթության գործին նվիրված Սիմոն Պետիկյանը ահա-



զանգում է՝ 10 տարի հետո ամերիկահայ գաղութների մեջ հայ ուսուցիչ չի մնա: Նա հորդորում է Սփյուռքի երիտասարդ կադրերից հայրենիքում ուսուցիչ պատրաստելու ուղիներ գտնել:

Ռոստովից Հայաստան եկած Լուսինե խոսում է դասընթացի բարձր մակարդակի ու կազմակերպվածության, դասերից դուրս հետաքրքիր հանդիպումների ու տեսարժան վայրեր այցելությունների մասին, նաև առաջարկում է ավելացնել որոշ մանրակների ուսուցման ժամաքանակը:

Կիևում նաև մեծահասակ հայերի հետ աշխատող Ռուզաննա Մարտիրոսյանը խնդրում է ուկրաինական որևէ բուհում հայկական ամբիոն կամ ֆակուլտետ բացելու հնարավորությունները դիտարկել:

Ռեկտոր Ռուբեն Միրզախանյանը վստահեցնում է բոլոր հնարավորությունների



սահմաններում աջակցել սփյուռքահայ ուսուցիչներին՝ հաշվի առնելով հայ գաղթօջախների յուրահատկությունները:

Դասընթացները համակարգող բանասիրական գիտությունների դոկտոր, պրոֆեսոր Սուրեն Դանիելյանը, ով տարիներ շարունակ շփվում է սփյուռքահայ ուսուցիչների հետ և լավ գիտի նրանց խնդիրները, շնորհակալություն է հայտնում ռեկտորին հանդիպման և հանրապետությունում կրթական եզակի հարթակ ստեղծելու, իսկ կրթության և գիտության մախարարությանը՝ լավագույն աջակցության համար: Պրոֆեսորը ևս փաստում է, որ խնդիրները շատ են, իսկ դրանց լուծման ուղիներն ու մոտեցումները՝ տարբեր, որովհետև ծրագրերից, դասագրքերից զատ նաև կա երկակի ստանդարտների խնդիր՝ արևմտահայ և արևելահայ լեզուներով խոսող համայնքներին տարբերակված ու անհատական մոտեցումներ ցուցաբերելու անհրաժեշտություն:

Ուսուցիչներն արդեն հասցրել են լինել Ծիծեռնակաբերդի համալիրում, Մատենադարանում, Հովի. Թումանյանի տուն-թանգարանում, Սևանում, Հաղարծինում, Գոշավանքում, Գառնիում և Գեղարդում: Հունիսի 22-ին նրանք կայցելեն Մայր Աթոռ Սուրբ Էջմիածին:

Հայապահպանության առաքյալները անմոռանալի տպավորություններ կտանեն իրենց հետ՝ շաղախված հայրենիքի սիրով ու ջերմության անպարագիծ դրսևորումներով, որ շարունակեն օտար երկրում հայրենի հայ պահելու բարդ ու պատասխանատու գործը:



Սիլվա ԱՄՐՅԱՆ

# «ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ» մեդալ՝ կիրակնօրյա դպրոցի տնօրենին

Մանկավարժական համալսարանի ռեկտորատի հունիսի 26-ի նիստում ռեկտոր Ռուբեն Միրզախանյանը «Մանկավարժական համալսարան» մեդալով արգևատրեց ՌԴ-ում ՀՀ դեսպանությանը կից Մոսկվայի «Վերածնունդ» կիրակնօրյա դպրոցի տնօրեն, մանկավարժական գիտությունների թեկնածու Շողիկ Փահլևանյանին:

Շ. Փահլևանյանը երկար տարիներ ապրում և աշխատում է Մոսկվայում: Նա ավարտել է Երևանի հմ. 114 դպրոցը, Երևանի պետական համալսարանի բանասիրական ֆակուլտետը, թեկնածուական ատենախոսություն է պաշտպանել Խ. Աբովյանի անվան հայկական պետական մանկավարժական համալսարանում:

Մոսկվայի Հայկական 2-րդ նրբանցքի նախկին Լազարյան ճեմարանի շենքում գործող դպրոցը վերջերս նշեց հիմնադրման 30-ամյակը: Դպրոցը, որտեղ սովորում են տարբեր տարիքի հայ երեխաներ՝ 4-ից մինչև 25 տարեկան, որոնք ընդգրկված են նախադպրոցական, դպրոցական, միջին ու բարձր դասարաններում, արդյունավետ գործունեություն է ծավալում հայապահպանության ուղղությամբ, իրականացնելով ամենօրյա հայանպաստ աշխատանք և հայ երեխաներին հայ պահելուն միտված տարբեր ծրագրեր: Այստեղ հաճախում են նաև խառնածին ընտանիքի երեխաներ, ինչպես նաև հայերեն սովորել ցանկացող Մոսկվայում և նրանից դուրս բնակվող ռուս և այլազգի ներկայացուցիչներ:

Դպրոցը հիմնադրվել է 1988 թվականին Մոսկվայում՝ Հայաստանի մշտական ներկայացուցչության և Մոսկվայի հայկական համայնքի նախաձեռնությամբ, Հայաստանի Լուսավորության մինիստրության աջակցությամբ և Ամենայն Հայոց Վազգեն Առաքին Կաթողիկոսի օրհնությամբ: Դպրոցն իր գոյության տարիներին սովել է շուրջ 3000 շրջանավարտ:



Համալսարանի ռեկտոր Ռ. Միրզախանյանը շնորհավորեց դպրոցի տնօրեն Շողիկ Փահլևանյանին՝ 30 տարի դպրոցում անընդմեջ հայոց լեզու դասավանդելու համար և մաղթեց հայրենավեր գործունեության ամխափան շարունակականություն, ինչպես նաև համագործակցություն մեր համալսարանի հետ:

Շ. Փահլևանյանը շնորհակալություն հայտնեց 30-ամյա աշխատանքը գնահատելու համար, հուզմունքով փաստեց, որ սա հայրենիքում ստացած իր առաջին պարգևն է, ապա վստահեցրեց, որ հայրենիքից հեռու գտնվող երեխաներին կշարունակեն պահել հայրենիքին մոտ և հայապահպան միջավայրում կազմակերպել նրանց ուսումն ու դաստիարակությունը:

Սիլվա ԱՄՐՅԱՆ

# Քննարկվեցին հաշմանդամություն ունեցող անձանց խնդիրները

Մանկավարժական համալսարանում տեղի ունեցավ կլոր սեղան-քննարկում նվիրված ՀՀ-ում հաշմանդամության ոլորտում իրականացող բարեփոխումներին, և Առողջապահության համաշխարհային կազմակերպության ֆունկցիայի միջազգային դասակարգման մարտահրավերներին:



Քննարկմանը մասնակցում էին հաշմանդամության ոլորտի միջազգային փորձագետներ Ստատիա Տրիանտաֆիլուն, Անդրեաս Կարիստինոսը, ՄԱԿ-ի գրասենյակի մանկական հիմնադրամի և զարգացման ծրագրերի ներկայացուցիչներ, ՀՀ Աշխատանքի և սոցիալական հարցերի մախարարության հաշմանդամների հիմնահարցերի բաժնի պետ Աննա Հակոբյանը, ինչպես նաև ՀՊԱՀ-ի Հատուկ կրթության ֆակուլտետի և սոցիոլոգիայի և սոցիալական աշխատանքի ամբիոնի պրոֆեսորադասախոսական կազմը: Քննարկման ընթացքում մասնագետներն անդրադարձան հաշմանդամություն ունեցող անձանց կարիքների գնահատման գործիքների կառուցվածքին, կիրառությանը, նաև վերջիններիս ստանդարտացման կարևորությանը Հայաստանում:

ԱՄՀ մախարարության հաշմանդամների հիմնահարցերի բաժնի պետ Աննա Հակոբյանը նշեց, որ հատուկ մանկավարժության ոլորտում դասավանդող մասնագետների դերը կարևոր է և վճռորոշ այս գործիքակազմի ստանդարտացման և արդիականացման գործընթացում: Ա. Հակոբյանը նկատեց, նաև, որ Մանկավարժական համալսարանի շրջանավարտների դերը հաշմանդամություն ունեցող անձանց տրամադրվող ծառայությունների մատուցման գործընթացում բարձր գնահատելով այն ուսանողների աշխատանքը, ում հետ տարբեր ծրագրերի շրջանակներում նախարարությունն աշխատանք է ծավալել:

Կլոր սեղան-քննարկման ընթացքում պայմանավորվածություն ձեռք բերվեց հետագա քայլերի մշակման և իրականացման վերաբերյալ, որոնց առաջնահերթությունը ընդգծեցին նաև միջազգային փորձագետները:

# ՀԱՅԿԱԿԱՆ ԲՆԱՇԽԱՐՀԻ ԳԵՂԵՑԿՈՒԹՅՈՒՆԸ՝ ԿՏԱՎՆԵՐՈՒՄ

Հայաստանի ազգային պատկերասրահում բացվեց Հայաստանի առաջին հանրապետության 100-ամյակին նվիրված գեղանկարչության միջազգային պլեների մասնակիցների աշխատանքների ցուցադրությունը:

Սիմպոզիումին մասնակցում էր 6 երկրից՝ Ռուսաստանից, Լեհաստանից, Վրաստանից, Լատվիայից, Լիտվայից և Հայաստանից Երևան ժամանած 17 գեղանկարիչ և ՀՊՄՀ-ի Գեղարվեստական կրթության ֆա-

նկարիչների հետ նրանց շփումն ու Հայաստանի Ազգային պատկերասրահում համատեղ ցուցադրությունը:

10-օրյա պլենների ընթացքում նկարիչների հետ միասին ստեղծագործել են նաև ապագա նկարիչ-մանկավարժները:

Մագիստրատուրայի 1-ին կուրսի ուսանող Հերիքնազ Խաչիկյանն առաջին անգամ է մասնակցում միջազգային պլենների: Հերիքնազը կարծում է, որ սա լավագույն հնարավորությունն է



կուլտետի 10 ուսանող:

Կրթության և գիտության նախարար Արայիկ Հարությունյանը ողջունեց նախագիծը և շնորհավորեց նկարիչներին գեղեցիկ ցուցադրության առթիվ: Նախարարը նկատեց, որ միջազգային համագործակցությունը, հատկապես արվեստի և կրթություն ոլորտում, շատ կարևոր է: Ա. Հարությունյանը նախարարության անունից պատրաստականություն հայտնեց աջակցել նման հետաքրքիր նախաձեռնություններին:

Ազգային պատկերասրահի տնօրեն Արման Ծատուրյանը շնորհավորեց պլենների մասնակիցներին և վստահեց-

ոչ միայն իրենց դասախոսների, այլև միջազգային ճանաչում ունեցող նկարիչների հետ բնության մեջ նկարելու: Հերիքնազը նկատում է՝ այս օրերին հասցրել են ծանոթանալ միմիանց մշակույթներին և ազգային առանձնահատկություններին:

«Ծանոթացանք հայ և օտարազգի նկարիչների աշխատելու ճիճին, գույների ընտրությունը և այլն: Օրինակ, այլազգի նկարիչների մոտ ավելի շատ գերակշռում են սառը գույները, իսկ հայերս մախընտրում ենք առավել տաք գույներ... Կարծում են դա հենց մեր միջի արևն ու տաքությունն է, որն



րեց, որ մշակույթը շատ հզոր է, բայց այն չպետք է պահել ներսում. «Մշակույթը չի կարող բազմազան լինել, եթե նրանում չներգրավվեն նաև օտարազգի արվեստագետները»:

ՀՀ ժողովրդական նկարիչ Փարավոն Միրզոյանը բազմիցս մասնակցել է միջազգային պլենների և կարծում է, որ նման պլենները մեծ մշակութային ունեն մեր երկրի համար. «Մեզ թվում է, թե բոլորը մեզ ճանաչում են: Նրանցից շատերն առաջին անգամ են Հայաստանում. հիացած են, ոգևորված: Մասնակիցներից ոմանք էլ անվանի նկարիչներ են, որոնք ունեն միջազգային ընդլայնված կապեր ու արդեն իսկ հետաքրքրված են մեզանով»:

Նա կարևորեց նաև պլեններին ուսանողների մասնակցությունը, ճանաչված

արտացոլվում է մեր կտավներում», - ասաց Հերիքնազը:

Պլենների ընթացքում ավելի շատ շփվել են նկարիչ-մանկավարժների հետ: Բացի հիանալի օրեր անցկացնելուց, լավ ընկերներ ձեռք բերելուց Հերիքնազի համար ամենակարևոր ձեռքբերումներից է նաև Ազգային պատկերասրահում ցուցադրվելու հնարավորությունը:

Մասնակիցները շնորհակալություն հայտնեցին միջազգային պլենների կազմակերպիչներին և խոստովանեցին՝ անցկացրել են հիանալի օրեր, վայելել հայկական բնաշխարհի գեղեցկությունը, իսկ զգացողություններն արտահայտել են կտավներում:

Սոնա ԱՐԱՄՅԱՆ

**Ցավով ու ափսոսանքով հայտնում ենք, որ մահացել է Կենսաբանական գիտությունների դոկտոր, պրոֆեսոր, ՀՀ ԳԱԱ ակադեմիկոս, ՀԽՍՀ գիտության վաստակավոր գործիչ, 1999-2002 թվականներին ՀՊՄՀ ռեկտոր, ԵՊՀ կենսաքիմիայի ամբիոնի վարիչ Միսակ ԴԱՎԹՅԱՆԸ: Որպես հիշատակի տուրք, ներկայացնում ենք բուհի 90-ամյակի առթիվ նրա հարցազրույցը «Մանկավարժական համալսարան» սրբաշունչագրքին:**

## «Ես հավատում եմ Մանկավարժական համալսարանի հաջողություններին»



«Ես հավատում եմ Մանկավարժական համալսարանի հետագա հաջողություններին. նա բոլոր ժամանակներում պատվով է կատարել իր առաքելությունը և պատրաստել մանկավարժների գրագետ սերունդ», - այսպես նշանավորեց 90-ամյա պատմություն ունեցող բուհի գործունեությունը նախկին ռեկտորը: Քաջատեղյակ լինելով կրթության ոլորտի խնդիրներին՝ նա հեշտությամբ չի ընդունել ռեկտորի պաշտոնը ստանձնելու առաջարկը: Տարիների հեռավոր Միսակ Դավթյանը հիշում է իր պաշտոնավարման տարիները, երբ արմատական վերափոխումներ էին տեղի ունենում բոլոր բուհերում, այդ թվում նաև՝ Մանկավարժական ինստիտուտում: Կրթական ավանդական համակարգը պետք է ավելի մոտեցվեր արևմտյանին, որի հետ կապված բազմաթիվ հարցեր էին ծագում հատկապես հունամիտար առարկաների վերաբերյալ:

«Բոլոր ժամանակներում կրթության վերափոխման հարցը եղել է օրակարգային: Այդ գործում Մանկավարժական համալսարանը՝ ի դեմս իր գիտնական-դասախոսների, միշտ էլ գտնվել է բարձրության վրա և կրթական եական փոփոխություններում ունեցել իր մեծ ավանդը», - նշեց Միսակ Դավթյանը:

Նա չի սիրում թվարկել իր պաշտոնավարման տարիներին Մանկավարժական ունեցած բազում ձեռքբերումները. առանձնացնում է միայն, որ կարևորագույն հարցերի լուծման ժամանակ իր աշխատելու ճիճին առաջնորդվել է կոլեկտիվի սկզբունքով՝ յուրաքանչյուր հարցի շուրջ համախմբելով առավել շատ դասախոսների: Անդրադառնալով ներկայիս դասախոսների որակական հատկանիշներին՝ գիտնականը նշեց. «Լավ դասախոսն առաջին հերթին պետք է լինի լավ գիտնական ու հետազոտող. նրա աշխատանքի հիմքը պետք է ունենա գիտական մոտեցում, որպեսզի խորը ըմբռնի յուրաքանչյուր փաստի էությունը»:

Համեմատելով տարբեր սերունդներին Միսակ Դավթյանը նկատում է. «Այսօրվա ուսանողներն ավելի մեծ ձգտում ունեն կրթվելու և գիտության մեջ ներգրավվելու. գիտահետազոտական աշխատանքներին անմիջական մասնակից դարձնելու համար պետք է նրանց ուսուցումը կազմակերպել հենց գիտական միջավայրում»:

Միսակ Դավթյանը ուսանողների հետագա հաջողությունները կապում է դասախոսների ճիշտ աշխատանքի հետ. դասախոսի մեջ պետք է պարտադիր մեկտեղվեն մարդկային բնավորության լավագույն հատկանիշներն ու լավ մասնագետ լինելը: Դասավանդման բազմամյա վաստակ ունեցող դասախոսը ուսանողների և իր միջև երբևէ արհեստական սահման չի պահպանել. ուսանողը շատ զգայուն է, նրա հանդեպ պետք է դրսևորել առավելագույն օբյեկտիվություն: Միսակ Դավթյանը բուհի որակը որոշում է նրանում աշխատող կադրերով. չէ՞ որ համաշխարհային ճանաչում վայելող համալսարաններն աչքի են ընկնում պրոֆեսորադասախոսական կազմի բարձր վարկանիշի շնորհիվ: Տարբեր պաշտոններ վարելիս նա երբևէ չի դադարել ղեկավարել ԵՊՀ կենսաքիմիայի՝ իրեն հարազատ դարձած ամբիոնը, որի աշխատակիցներն իր համախոհներն են և գիտական առաջընթացի հիմնական ուղեկիցը: Միսակ Դավթյանը վստահեցնում է՝ բուհի ղեկավարի պաշտոնում վերընտրվելու դեպքում կփորձի ավելի անմիջական դարձնել դասախոսների հետ կապը. նրանց գնահատելու, գիտական մակարդակը պարզելու համար պետք է ղեկավարն անմիջական կարծիք կազմի: Դիմելով բոլոր ուսանողներին՝ բազմավաստակ մանկավարժը նրանց խորհուրդ տվեց ուսումնառության տարիներին քրտնաջան աշխատել և չտարբերակել կարևոր ու անկարևոր առարկաներ: Միսակ Դավթյանը իր կյանքի ամենուրեք պահերը կապում է ընտանիքի հետ, սակայն որպես գիտնական իր համար ամենուրեք է համարում յուրաքանչյուր զեկույց ու գիտական հանդիպում: Գիտնական, դասախոս, ուսումնական գործի կազմակերպիչ. այսպես է բնորոշում ինքն իրեն Միսակ Դավթյանը, ով յուրաքանչյուրի անհաջողությունն իր մեջ է փնտրում:

Քրիստինե ՄԵԼՔՈՆՅԱՆ

### ԿՈՆՖԵՐԱՆՍ

Երազմուս+ «Հայաստանյան համալսարանների միջազգայնացման ռազմավարության և մարկեթինգի խթանում (BOOST)» ծրագրի շրջանակներում Վանաձորի Հ. Թումանյանի անվան պետական համալսարանում տեղի ունեցավ ազգային կոնֆերանս: Կոնֆերանսին մասնակցում էին ծրագրի գործընկեր համալսարանների և հաստատությունների ներկայացուցիչները՝ Խաչատուր Աբովյանի անվան հայկական պետական մանկավարժական, Հայաստանի Ամերիկյան, Շիրակի պետական, Վանաձորի պետական համալսարաններից, Կոմիտասի անվան Երևանի պետական կոնսերվատորիայից, ՀՀ կրթության և գիտության նախարարությունից, Ակադեմիական փոխճանաչման և շարժունության ազգային տեղեկատվական կենտրոնից: Հրավիրված էին նաև մարզի բարձրագույն և միջին մասնագիտական ու-

սումնական հաստատությունների ներկայացուցիչները:

Կոնֆերանսի առաջին մասում ներկայացվեց ծրագրի շրջանակներում աշխատանքային խմբի կողմից մշակված միջազգայնացման ազգային ռազմավարության նախնական տարբերակը: Ռազմավարությունը կազմված է 4 մպատակներից, որոնցից յուրաքանչյուրին անդրադարձ կատարվեց, իսկ հարցերի ու պատասխանների միջոցով բացահայտվեցին ռազմավարության փոփոխման և վերանայման կարիք ունեցող հատվածները:

Կոնֆերանսի երկրորդ մասում ծրագրում ընդգրկված համալսարանները ներկայացրին իրենց բուհերի ինստիտուցիոնալ ռազմավարության հիմնական խնդիրները, նպատակները և զարգացման ուղիները: Անդրադարձ կատարվեց նաև Եվրոպական բարձրագույն կրթական տարածքի նախա-



րարական գագաթաժողովին, ինչպես նաև Լիսաբոնի ճանաչման կոնվենցիային:

Հիշեցնենք, որ ծրագրի համակարգողն է Խաչատուր Աբովյանի անվան

հայկական պետական մանկավարժական համալսարանը, իսկ ֆինանսավորումը կատարվում է Եվրամիության Երազմուս+ ծրագրի կողմից:

## Շամագործակցություն՝ նվիրված Կրուիզմի զարգացմանը

Մանկավարժական համալսարանը նախորդ տարվանից համագործակցային ծրագիր է իրականացնում Թբիլիսիի պետական, Վիեննայի Բոկուի բնական ռեսուրսների և բնական գիտությունների համալսարանների հետ: Ծրագրի նպատակն է Հարավային Կովկասի երկրներում զարգացնել տուրիզմն ու նրա հեռանկարները, համայնքներում տուրիզմի զարգացմանը իրականացնել միասնական ծրագիր: Համագործակցության ընթացքում ուսումնասիրվել և վեր են հանվել տուրիզմի զարգացման հնարավորությունները Հայաստանի և Վրաստանի տարբեր համայնքներում, վերլուծվել են զարգացման հեռանկարները:

Ծրագրի շրջանակում, այս տարվանից սկսած, Հայաստանում և Վրաստանում՝ համապատասխանաբար ընտրված տարածաշրջաններում իրականացվեցին կայուն տուրիզմի զարգացմանը նվիրված հետազոտական աշխատանքներ: Հայաստանում հետազոտություններն իրականացվեցին Մարմարիկ գետի հովտի Մեղրածոր համայնքում: Աշխատանքներում ընդգրկվել են ինչպես արտասահմանյան մասնագետները, այնպես էլ Մանկավարժական համալսարանի մագիստրատուրայի ուսանողները:

ՀՊՄՀ-ի աշխարհագրության և նրա դասավանդման մեթոդիկայի ամբիոնի վարիչ Աշոտ Խոյեցյանը կարևորեց ծրագրի շրջանակում միջդիսցիպլինար կապը. ծրագրի այս փուլին ապագա աշխարհագետների հետ մասնակցում էին նաև ապագա պատմաբաններ, էկոլոգներ, սոցիոլոգներ: «Հետազոտության նպատակն է ուսանողների ուժերով ամենատարբեր մեթոդների կիրառմամբ վեր հանել այս տարածքի տուրիզմի զարգացման այն հնարավոր ուղիները, որոնք հնարավորություն կտան ոչ միայն տարածքի զբոսաշրջության, այլև ընդհա-



նուր զարգացման բացահայտում: Մարզի գյուղերը գտնվում են այնպիսի տարածքում, որտեղ կա բազմակողմանի ռեսուրսային ապահովություն, բայց, ցավոք, ոչ ճիշտ կառավարման պատճառով, համայնքները գտնվում են սոցիալական, տնտեսական ոչ բարվոք վիճակում, որն էլ իր անդրադարձն է ունենում զբոսաշրջության վրա»,- ասաց Աշոտ Խոյեցյանը:

Պրոֆեսորը նկատեց, որ զբոսաշրջության զարգացումը, տուրիստական ինդուստրիայի և համապատասխան ինֆրաստրուկտուրաների ներդրումն այս տարածքի զարգացման ամենալուրջ գրավականը կարող է լինել:

Աշոտ Խոյեցյանը նկատեց նաև, որ մինչ հետազոտությունները սկսելը, դեռևս անցած տարվանից ավստրիացի գործընկերներից ստացել են մամուտիկ գործընթացներ իրականացնելու ուսումնական մեթոդական ուղեցույցներ, որոնցով էլ պատրաստել են մասնակից ուսանողներին: Այսպիսով ուսանողները հնարավորություն ստացան տեսական

լիովին ապահովվեցին. ի դեպ, բնակիչները շատ հետաքրքրված էին այս ամենով: Ստացվեց համատեղ հետաքրքիր աշխատանք, որտեղ բոլորն իրենց տեսակետների, մտքերի և կազմակերպչական աշխատանքի արդյունքում մշակեցին հետաքրքիր ծրագրեր: Մեր ուսանողների կատարած հետազոտական աշխատանքները պետք է ներդնեն իրենց համայնքներում»,- ասաց Աշոտ Խոյեցյանը:

«Այս ծրագիրը հետաքրքիր և ուսուցողական փորձառություն է տալիս ուսանողներին: Մանկավարժական համալսարանն օգնում է ուսանողներին՝ զարգացնել տարբեր հմտություններ, սա լավ փորձի փոխանակում է նաև դասախոսների համար: Շատ տպավորված ենք հայ ուսանողների տեսական և գործնական գիտելիքներով: Նմանատիպ միջոցառումները համագործակցության լավ օրինակ են»,- փաստեցին արտասահմանյան մասնագետները:

Սոնա ԱՐԱՍՅԱՆ



## ԲԱՐԵԳՈՐԾԱԿԱՆ ԱՅՅ

Երևանի Ներսես Մեծի անվան №124 դպրոցի աշակերտները տնօրեն Նաիրա Մարտիրոսյանի և դասղեկ Անահիտ Հովակիմյանի ուղեկցությամբ, Խ.Աբովյանի անվան ՀՊՄՀ-ի մասնագիտական կրթության և կիրառական մանկավարժության ամբիոնի դասախոս Իզաբելլա Բաբայանի, Կրթության հոգեբանության և սոցիոլոգիայի ֆակուլտետի սոցիալական մանկավարժություն բաժնի 2-րդ և 3-րդ կուրսերի մի խումբ ուսանողների հետ բարեգործական այց կատարեցին Մարի Իզմիրյանի անվան մանկատուն, որտեղ ներկայացան «Մենք բոլորս ընկերներ ենք» խորագրով միջոցառմամբ:

# Դպրոցական տարիներն արդեն հիշողություն են

Խ. Աբովյանի անվան ՀԳՄՀ-ի հեռակետային վարժարանում այսօր տոնական տրամադրություն էր: Վարժարանի 100 շրջանավարտ ստացավ միջնակարգ կրթության ատեստատներ: Ընտրիակալության, երախտագիտության խոսքեր էին հնչում աշակերտների շուրթերից. «Երեք տարին շատ բան մեզ տվեց: Այս կրթօջախում մենք կրթվեցինք, իմաստացանք, ձեռք բերեցինք այնպիսի գիտելիքներ, կարողություններ և հմտություններ, որոնց շնորհիվ կարողացանք պատվով հաղթահարել միասնա-



կան քննությունները և բարձր միավորներով ընդունվել բուհեր: Ընտրիակալ ենք մեր սիրելի վարժարանին և ուսուցչական կազմին՝ իրենց մեծ նվիրումի և ջանքերի համար. քննություններում ցուցաբերած գերազանց արդյունքները դրա վառ վկայությունն են»:



Վարժարանի տնօրեն Նաիրա Սաֆարյանը շնորհավորեց շրջանավարտներին, նրանց մաղթեց նորանոր ձեռքբերումներ և հաջողություններ: Նա նշեց, որ հպարտանում է իր սաներով, նրանցով, ովքեր իրենց հույսը կապել էին վարժարանի հետ, որոնց նպատակներն ու սպասումներն էլ հենց այս կրթօջախում իրականացան:

## ԼՈՒՅՍ Է ՏԵՍԵԼ

Լույս է տեսել Խ.Աբովյանի անվան ՀԳՄՀ-ի առաջին բուժօգնության ամբիոնի դասախոս Հակոբ Գրիգորյանի և Գավառի պետական համալսարանի դասախոս Արմինե Դավթյանի «Ես պատրաստ եմ դպրոց գնալ» ավագ նախադպրոցական տարիքի երեխաների ֆիզիոլոգիական և հոգեբանամանկավարժական հետազոտությունների ուսումնամեթոդական ուղեցույց-ծեղնարկը՝ կից ալբոմով: Ձեռնարկի խմբագիրն է մանկավարժական գիտությունների թեկնածու, դոցենտ Վարդիթեր Սիմոնյանը:

Ձեռնարկը և հավելված ալբոմը նախատեսված են ավագ նախադպրոցական տարիքի երեխաների հետ հոգեբանամանկավարժական աշխատանքների ուղղորդման և նրանց

զարգացածության մակարդակի հետազոտությունների կազմակերպման համար:

Առաջին անգամ այս ձեռնարկում համակարգված ներկայացված են երեխայի ֆիզիոլոգիական և իմացական (ճանաչողական, ուշադրության, հիշողության, երևակայության, տրամաբանության) զարգացման մակարդակները ստուգող դիագնոստիկ պարագաներով և թեստային առաջադրանքներով աշխատելու կանոններն ու զնահատման մոտեցումները: Դիագնոստիկ նյութերը տպագրված են առանձին հավելվածով՝ ըստ բաժինների և ըստ պարզից դեպի բարդ սկզբունքների, որը ձևաչափային առավել լայն օգտագործման հնարավորություն է տալիս, նրանցով հնարավոր է ստու-



## Անհատական ցուցահանդես

«Նարեկացի» արվեստի միությունում տեղի ունեցավ մանկավարժ, նկարիչ, դիզայներ Հերիքնազ Խաչիկյանի «Հայկական պար» խորագրով ցուցահանդեսը:

Հայկական ավանդական երգ ու պարով մեկնարկած ցուցահանդեսը երաժշտական կատարումներով ջերմացրին Ռուզաննա Դարաջյանն ու Մերի Քարտաշյանը:



«Այսօր մեզ մոտ ամեն ինչ հեքիաթային է՝ ձեր աշխատանքների գույները, պատկերները: Ընտրիակալում ենք ձեզ և մաղթում բազում ցուցահանդեսներ», - իր խոսքում նշեց «Նարեկացի» արվեստի միության հիմնադիր Նարեկ Հարությունյանը:

Ցուցահանդեսին ներկայացված էին աշխատանքներ՝ հայկական կիրառական արվեստի վերականգնված դրամարվեստ ձյուղից, ինչպես նաև գործվածքների մի քանի տեսակներ (գորգեր, գորգ, կարպետ):

Ցուցահանդեսը բաց է մինչև հուլիսի 14-ը:

գել և՛ երեխայի նորմալ զարգացման մակարդակը, և՛ բացահայտել օժտվածություններն ու խնդիրները:

Առանձնացված չէ խոսքի զարգացման կոնկրետ բաժին, սակայն, գրեթե բոլոր առաջադրանքների միջոցով հնարավոր է ստուգել երեխաների՝ բառիմաստի ընկալման, կապակցված խոսքի ձևավորվածության, բառապաշարի հարստության մակարդակները:

Ձեռնարկը կարող են օգտագործել նախակրթական հաստատություններում, կրտսեր դպրոցում, երեխաների զարգացման կենտրոններում, իսկ հանրամատչելի ոճի և կառուցվածքի շնորհիվ այն կարող է օգտակար լինել նաև ծնողներին:

Հ.Մ.ԳՐԻԳՈՐՅԱՆԻ ԱՎՈՐՈՅՄԱՆ

**ԵՍ ԴԱՏՐԱՄՍ ԵՄ ԴԴՐՈՑ ԳԵԼԱԼ**

ԱՎԱԳ ՆԱԽԱԴՐՈՑԱԿԱՆ ՏԱՐԻՔԻ ԵՐԵՒԱՆԵՐԻ ՖԻԶԻՈԼՈԳԻԱԿԱՆ ԵՎ ՀՊԳԵԱՄԱՆԱԿԱՎԱՐՇԱԿԱՆ ՀԵՏԱԶՈՏՈՒԹՅՈՒՆ ՈՒՍՈՒՆԱՆԵՐՈՒՄԱԿԱՆ ՈՒԿԵՈՒՅՑ ԶԵՆՆԱՐԿԻՆ ԿԻՑ

**ԱԼԲՈՍ**

ՀԱՅԿԱՍՏԱՆԻ ԿՐԹՈՒԹՅԱՆ ԿՐԹԱՊԵՏՈՒԹՅԱՆ ԿԵՆՏՐՈՆ

2018



ՈՒՍԱՆՈՂԻ ՕՐԱԳՐԻՑ

Անուշիկ ԳԻՇՅԱՆ
Մշակութաբանություն, 4-րդ կուրս

26 ՏԱՐՎԱԿ
ԿՐԱԿԵ ԴԵՌ
ԱՅՐՎՈՒՄ Է



Յուրաքանչյուր հայի համար հայրենիքը սկսվում է վերջանում է իր ծննդավայրով: Աշխարհի փոքրիկ անկյուններից է իմ ծննդավայրը՝ Նոյեմբերյանը: Քաղաքակրթության հնագույն այս օջախում, թավշյա անտառների գրկում և կարկաչուն գետերի հովիտներում անհիշելի ժամանակներից ապրում է մարդու մի տեսակ, որի մարտական կամքից արյունը սառչում է թշնամու երակներում, որն իր ստեղծագործ մտքի, անսասան ուժի և ոգու զորության շնորհիվ ստեղծել է մշակութային ժառանգության բազմաթիվ գլուխգործոցներ՝ անդադար պայքարելով թշնամու դեմ:

Նոյեմբերյանը հարուստ է իր հիշողությամբ՝ մարդկանց բազմաթիվ ճակատագրեր, պատերազմ տեսած ժողովուրդ, ամարշալույս առավոտներ: Պատմության քառուղիներով անցած այս ժողովուրդը միշտ պայքարել է ու շարունակում է պայքարել հային բնորոշ համառությամբ, կամքով ու անձնագոհությամբ:

Լինելով սահմանամերձ գոտի՝ համայնքը միշտ եղել է թշնամու կրակահերթերի տակ և դարձել ռազմական գործողությունների կիզակետ: Այդպիսի մի ողբերգական իրավիճակ է եղել 1991 թվականի մայիսի 5-ի լույս 6-ի գիշերը Ոսկեպարի անտառում, երբ Նոյեմբերյանի ՆԳ բաժնի ոստիկանները գնում էին հայրենիքի սահմանը պաշտպանելու, բայց ընկել էին ադրբեջանական օմօնի և խորհրդային զինուժի դավադիր ծուղակը: Որոշ տեղափոխող ավտոբուսը միանգամից պայթեցրել էին և խաչածև կրակ բացել զնդացիներից ու ավտոմատներից: Տղաները չէին հասցրել Ուլու-ճիսկ մեքենաներից դուրս գալ: Հարձակման ենթարկվելով ոճրագործ թշնամու կողմից՝ զոհվեցին Նոյեմբերյանցի 14 ոստիկաններ, մի քանի տասնյակ ոստիկաններ էլ գերեզմանակալներ են ծանր, սարսափելի օրեր ու ամիսներ անցկացրին ադրբեջանական բանտերում, խոշտանգումների ենթարկվեցին, չընկճվեցին, դիմացան հերոսաբար՝ հույս տալով միմյանց:

Գերեզմանների թվում էր նաև հայրս, և միգուցե դա է պատճառը, որ այս իրադարձությունը դրոշմված է մտքիս մեջ, ու այն չարաբաստիկ լուսաբացը Նոյեմբերյանցիների հիշողության մեջ մնացել է որպես եղբերական լուսաբաց:

Ձոհերի հիշատակին նվիրված հուշահամալիր է կառուցվել և Նոյեմբերյանում, և՛ դեպքի վայրում: Յուրաքանչյուր տարի մայիսի 6-ին բազում տավուշցիներ իրենց հարգանքի տուրք են մատուցում Նոյեմբերյան քաղաքում վեր խոյացող՝ զոհված միլիցիոներների հուշահամալիրում, որը կառուցվել է 1994 թվականին Ներքին գործերի բաժնի նախկին շենքի տեղում: Հուշակոթողը սրբատեղի է, որտեղ տնկած բարձրուղեշ, սլացիկ բարդիներից յուրաքանչյուրը զոհերից մեկին է մարմնավորում, իսկ հուշակառուցի գրված են նրանց անունները: Հուշակառուցի սխրագործության հիշողությունն է, իսկ այդ հիշողությունը անցյալը չմոռանալու և ապագային արժանապատվորեն նայելու համար է:

Սա մեզ համար դարձել է ավանդույթ, և արդեն 26 տարի է, ինչ չենք խախտում այդ ավանդույթը: Իսկ այս տարի մայիսի 6-ին լրացավ ողբերգության 26 տարին...

Այս պատմությունը իմ սրտին ավելի քան հարազատ է, քանի որ ինքս էլ մանկուց չեմ խախտել ավանդույթը. հայրիկս է այդպես սովորեցրել՝ խոսելով իր մարտական ընկերների մասին: 6 տարեկան էի, երբ հայրս առաջին անգամ ծաղիկ տվեց ձեռքս ու տարավ հուշակոթողի մոտ, հիշում եմ նրա խոսքերը, այսպես ասաց.՝ Երանք բուլդոզ էլ իմ եղբայրներն էին, պետք է միշտ հիշենք նրանց...

Սա մնացել է հիշողության մեջ, ու միշտ հիշելու եմ: Այո՛, արդեն 26 տարի է անցել արյունոտ լուսաբացից, բայց վերքերն այդպես էլ չեն սպիացել տավուշցիների սրտերում: Ցավն ու հպարտությունը իրար են ձուլվել: Գերությունից ազատվելուց հետո ոստիկանները հենց դեպքի վայրում՝ անտառի բարձունքում, մեկ այլ խաչքար-հուշակոթող կանգնեցրին՝ հավերժացնելով զոհված ընկերների հիշատակը: Խաչքարի պեղ և ձախ կողմերում գրված են նրանց անունները, և ամեն տարի մայիսի 6-ին ընկերները կարծես թե այս ձևով հարգողակցվում են հավերժացածների հետ: Ավանդույթի համաձայն, ողջ մնացած ոստիկանները մայիսի 5-ի լույս 6-ի գիշերը դեպքի վայրում խարույկ են վառում՝ վերհիշելով ծանր ու դաժան լուսաբացը:

Նախկինում հաճախակի էի հարցեր տալիս հայրիկիս այդ սարսափագրու դեպքերից, բայց նա խուսափում էր պատասխանել, ես հետո գիտակցեցի, որ հիշողությունը կրկին ու կրկին ցավ է պատճառում նրան. հայրս հիշում է կորցրած ընկերներին, գերության դժոխային օրերը, այն, ինչ զգացել է իր մաշկի վրա և ընդհանրապես պատերազմը՝ իր ողջ դառնությամբ: Հարցերիս որոշ չափով փորձում էր պատասխանել տատկա, երբ ինչ-որ բան էր պատմում այդ օրերից, միշտ արտասվում էր, այսօրվա պես հիշում է նրա պատմություններն ու արցունքոտված աչքերը:

Սա մեր ազգային ազատագրական պայքարի ցավազին դրվագներից էր... Երբ ադրբեջանական իշխանությունների և խորհրդային բանակի կողմից իրականացվեց տիրապետչական «Օղակ» օպերացիան: 26 տարի առաջ կատարվեց մի ողբերգություն, որը հավերժ կմնա որպես մեր սահմանամերձ համայնքի արյունոտ էջ և երբեք էլ չի մոռացվի:

Սերունդները դեռ երկար կհիշեն ոսկեպարյան արյունահեղությունը և կհարգեն զոհվածների հիշատակը, քանի որ նրանք անմահ են և ապրում են մեր հոգում ու հիշողության մեջ: Իսկ սահմանամերձ Տավուշի պաշտպանները պիտի լցվեն վաղվա օրվա հանդեպ վստահությամբ և հաղթանակների հավատով:

26 տարվա կրակը դեռ այրվում է...

Անի ՊԵՏՐՈՍՅԱՆ
Մշակութաբանություն, 3-րդ կուրս

ԿԱՂՆԻՆ
ԾՅՈՒՂԵՐ Է
ՏԱԼԻՍ



Ես հայ եմ, իմ արմատները գալիս են Հաճնից: Իմ տատուպապերը եղել են հաճնցի, և հետո մեր ցեղի պատմությունը այնպես է դասավորվել, որ մենք հայտնվել ենք Սիսիանում, և Սիսիանը դարձել է իմ ծննդավայրը:

Ես դաստիարակվել եմ այնպիսի շրջապատում, որտեղ միշտ բարձր են գնահատվել հայրենիքն ու ազգային ինքնությունը:

Մեր ընտանիքում ընդունված է եղել ամեն երեկո հարազատ-բարեկամներով հավաքվել մեկի տանը, թեյել, զրուցել ինչ-որ թեմաներից ու ընկնել հիշողությունների գիրկը:

Հիշում եմ՝ կրկին հավաքվել էինք մեր տանը. այս անգամ խոսքը հասել էր պապիկիս՝ Հարությունին: Պապիկս պատմում էր իր պապի՝ Նազարեթի մասին: Նազարեթի հորը հաջողվել է թուրքական յաթաղանից խույս տալ, ժողովել ընտանիքն ու բռնել գաղթի ճանապարհը: Սակայն հենց Հաճնի մոտերքում անզգամ թուրքերը տասնիննամյա պատանու՝ Նազարեթի աչքի առաջ մորթել են ծնողներին, սրատել ու խոշտանգել եղբայրներին ու քույրերին: 1915 թվականը խաթարել է այդ ստեղծագործ ու համերաշխ ընտանիքի խաղաղ առօրյան ու բեկել բոլորի ճակատագրերը: Սկսվել է համատարած գաղթ ու կոտորած:

«Դժոխքով եմ անցել, բայց ողջ մնացել, թաց աչքով ու չսպիացող վերքը սրտիս՝ ստիպված եմ եղել շարունակել գերդաստանի շառավիղը», -ասում էր Նազարեթ պապը:

Տան միակ ճրագը՝ Նազարեթը, հանգրվանում է Կիլիկիայի Ջիհան քաղաքում, որտեղ առայժմ կոտորածի վտանգ չկար, քանի որ ֆրանսիական զորքերի տնօրինության տակ էր: Հենց այնտեղ էլ ամուսնացել է Մեյրլը անունով մի աղջկա հետ: 1921 թվական. նորից գաղթ, երիտասարդ ամուսինները մի կերպ ընկնում են Սիրիա:

Նազարեթը «բնակարան» է կառուցում փայտի մնացորդներից: Այդ տանն էլ 1922-ին ծնվում է առաջնեկը, որին կնքում են պապի անունով՝ Խաչատուր: Այնուհետև ծնվում են մյուս որդիները՝ Ջոհրապը, Ազատը, Հակոբը, Սամվելը, Մանուկը, Գրիգորը...

1947 թվականի օգոստոս. Բեյրութի նավահանգիստը ծիծաղի, հրճվանքի, լաց ու կոծի մեջ էր: «Պոբեդա» նավը իր աստիճանները բացեց թափառումներից բզկտված հայերի առջև: Իրարանցման մեջ, իրարից բռնած, ճգնում էին իրար չկորցնել Խաչատուրյանների ընտանիքի տասն անդամները:

Նավը բարձրացրեց խարիսխները, դանդաղ լողաց ծովի ամհունները՝ մնացող հայերի հայացքներն ու հույսը տանելով իր հետ:

Հայրենի հող, Բաթում... Ինչպիսի՛ ապրումներ, գրկախառնություններ Ուլու-ճիսկ անձանթների հետ:

Ապրելը դժվար էր. սննդամթերք չկար, ամեն ինչ պակաս էր: Խաչատուրյանների բազմանդամ ընտանիքին տրամադրեցին մեկ անհրապույր սենյակ: Որոշ ժամանակ այնտեղ մնալուց հետո նրանք ապաստան գտան Գորիսում, այնուհետև տեղափոխվեցին Սիսիան:

«Թափառումը մտել է մեր արյան մեջ», -կատակով ասաց Նազարեթի մեծ որդի Խաչատուրը:

Նրանք գոհ էին բոլորից, շրջապատի մարդկանցից էլ, ովքեր սիրով էին շրջապատել պանդխտության մեջ օտարի խեթ հայացքներ տեսած ընտանիքին: Եվ համաչափ սկսեց բաբախել Խաչատուրյանների կյանքի զարկերակը՝ խաղաղ, անարյուն երկնքի տակ:

Խաչատուրյան եղբայրները սկսեցին գրել իրենց կենսագրության առաջին էջերը հայրենիքում: Նրանք ծուլվեցին Սիսիանում ծնվող նոր ձևավորվող տարբեր արհեստների հետ և դարձան բաժրակարգ արհեստավորներ: Այնուհետև գիտակցեցին կրթության ուժը՝ նրանց թոռներն ու ծոռները ընդունվեցին բարձրակարգ բուհեր, հետագայում դասնալուծ հասարակության համար պիտանի մասնագետներ: Իսկ նրանց որդիները պատվով ծառայեցին Սովետական Միության բանակում, նվիրվեցին հայրենիքին, որը նրանց պարզապես հինավուրց նախնիների սրբազան հողը, երկիրը, տվեց պետականություն, ազատություն, ազատ հայերեն խոսելու իրավունք:

Եվ հպարտությամբ կարող եմ նշել, որ նրանք այսօր էլ հայրենասիրական ոգով են շարունակում իրենց գործը: Ունենք հերոս որդիներ, ովքեր մասնակցել են դարաբաղյան հերոսամարտին և ապրիլյան քառօրյային, և մինչև օրս էլ պաշտպանում են հայոց անառիկ սահմանները՝ օրինակ հանդիսանալով հաջորդ սերունդների համար:

Ահա ասպիսի է եղե՞նք մազապուրծ եղած պապիկիս՝ Նազարեթ Խաչատուրյանի և նրա գերդաստանի կյանքի պատմությունը: